




ЗАМАН



Газета издається на балкарском языке с 1924 года

Интернет-версия: zamankbr.ru

КЪАБАРТЫ-МАЛКЪАР РЕСПУБЛИКАНЫ
ПАРЛАМЕНТИНИ ЭМ ПРАВИТЕЛЬСТВОСУНУ ГАЗЕТИ

ВРЕМЯ

ГАЗЕТА ПАРЛАМЕНТА И ПРАВИТЕЛЬСТВА
КАБАРДИНО-БАЛКАРСКОЙ РЕСПУБЛИКИ

КЪУУАНЧ

«Тейри къылыч» эшиклерин кенг ачханды

Тюнене Къабарты-Малкъарны Башчысы Юрий Коков Бахсан районну Кишпек элинде жангы сабий садны ачылыууну къууанчына къатышханды. Аны аты «Тейри къылычды».

Юрий Александрович кишпекчилени алгъышлап, республикада быллай иги жумушла кеп болурларын, ала халкъны бютюн бирикдирлерин тежегенди. «Бу сабий садда юренирик жашчыкъла бла къызчыкъла белгили алимле, врачла, артистле болуп, республикабызны атын айтдырырла деп ышанама. Алагъа юлгю болурча фахмулу адамларыбыз а бизде кепдюле», - дегенди.

Юрий Александрович элни таматары, бек гитче келечилери бла да саламлашып, ушакъ этгенди. Ызы бла мекам бла шагъырейленгенди, окъуу



КъМР-ни Правительствосуну башчысыны орунбасары – билим беруу, илму эм жаш тёлнюю ишлери жаны бла министр **Нина Емузова** бизни бла ушакъда айтханыча, бу сабий сад ачылгъаны бла Бахсан районда юч жылгъа дери бала-

тубюнде суула юсюнде орналады, халкъда анга «Кишпек тенгиз» да дейдиле. Аны ючюн а мекамны тубюн кючлерге тюшгенди. Эски мекамны да кетермегенбиз: анда бек кичилеги эки группа ачылгъанды. Къурулушчулагъа элде жашагъ-



оуулада, административ мекамлада да болгъанды эмда кёргенин жаратханды.

Элде бюгюнлюкде 4,5 минг адам жашайды, районну башчысы **Хасан Сижажев** бизге айтханыча, мында демография болум игиди, сабийчикле кеп тууадыла. Аны себепли алгъынгы колхозну администрациясыны эски мекамнында орналгъан сабий сад азлыкъ эте эди.

Жангы садик школгъа дери окъуу учрежденияланы модернизациясыны чеклеринде республикалы бюджетден бёлоннген ахагъа ишленгенди.

чыкъла барысы да окъуу жерле бла жалчытылынып, очередь кетериледи. «Бюгюнлюкде уа ата-анала яслиле да ачылырларын излейдиле да, ол жаны бла да мадар этиледи. Жылны ахырына дери энтта эки учреждение ачар муратлыбыз: Майский шахарда 100 окъуу жер эмда Прохладныйде 140 жер къууаргъа белгиленеди», - дегенди.

Кишпекни жангы сабий саддында уа 140 жер барды. Аны директору **Хайшат Черкесова** айтханыча, аны къурулушу къысха заманны ичинде битгенди – бир жылгъа. «Элибиз жер

анладан ыразылыгъымы айтырыкъ эдим, ала къазауат этип ишленгенди», - дегенди ол.

Ол айтханыча, садны кенглиги 2 минг квадрат метрди. Аны кесини автоном котельнясы, медицина, спорт, музыка кабинетлери, ашханасы бардыла. Арбазда да оюн майданчыкъла, карусельле салынгандыла. «Мекам шёндюгю излемлеге тийишлиликде къуралгъанды, битеу кереклерибиз, ол санда дидактика, юретиу материалларыбыз да бардыла», - деп чертгенди ол.

ТИКАЛАНЫ Фатима.

Сый беруу

Юрий Коков Аида Тлиашиновагъа хорлам тежегенди

Тюнене КъМР-ни Башчысы Правительствону юйюнде жырчылары «Новая звезда» деген битеуроссей конкурсларына къатышхан **Аида Тлиашинова** бла тубешгенди. Анга дайым алгъа барыгъа кереклисин айтып, хорлам тежегенди. «Къабарты-Малкъарда Сизге бек ышанадыла, кеп адам Сизден уллу жетишимле сакълайдыла. Хорларгъа керекди, биз а кёллендирирге кю р е ш и р и к б и з», - дегенди **Юрий Коков**.

Жаш жырчы полуфиналгъа чыкъгъан 24 адамны санына киргенди. Ала уа алты минг вокалистден сайлангандыла. Къабарты-Малкъардан къызны фахмусуна композитор Максим Дунаевский башчылыкъ этген жюри уллу багъа бичгенди.

«Новая звезда» Россей Федерацияны субъектлерини араларында жыл сайын бардырылуучу конкурсду. Аны «Звезда» телеканал бла РФ-ни Къоруулау министерствосу къурагъандыла. Проектде хорлагъанны аты 2016 жылда майда боллукъ гала-концертде туура этилликди.

КъМР-ни Башчысыны бла
Правительствосуну пресс-службасы.



Жетишим

Жерлешибизге - даражалы диплом эмда майдал

28-29 мартда Москвада Къырал Дума, Федерацияны Совети эмда профильли министерствола да себеплик этип Россейни тиширыу предпринимательлерини биригиую бардыргъан «Женщина – директор года» деген төрели битеуроссей конкурсну ахыр кезиюу болгъанды. Анда Быллым элни орта школуну директору Атаккуланы Нуржан, билим беруу номинацияда хорлап, «Женщина - директор года» деген атхатийишли болуп, сыйлы диплом эмда майдал бла саугъаланганды.

Бу конкурс жыл сайын къуралады. Анда предприятиялагъа, организациялагъа, учреждениялагъа эмда башха жерледе таматалыкъ этген, жандаурлукъ эмда башха ахшы ишле бла кюрешген элени, шахарланы, районланы жашаууна да тири къатышхан тиширыула белгиленедиле.

Алиса ТАРИМ.

Элбрус муниципал районну
администрациясыны пресс-службасы.



РФ-ни КЪЫРАЛ ДУМАСЫНЫ 110-ЖЫЛЛЫГЫНА

**Халкыны эркинлигин кѳоруулауу сынауу патчах
власть бла даулашлага жыйышдырылганды**

Кѳп тыш кыраллада парламентаризмни тѳрелери ѳмюрле бла кыралганды, сѳз ючюн, тарыхчыла жазгъанларыча, Англияда законла чыгарыуучу орган биринчи кере 13-чю ѳмюрде окыуна жыйылганды. Россейде представительный органланы аллай тѳрен тарыхы жокъду, депутатланы биринчи жыйылыулары - Кырал Дума - жаланда 1906 жылда бардырылган эди. Андан башлап патчах Россейни мурдору алышынгынчы озган 12 жылны ичинде Кырал Думаны тѳрт чакырылуу сайланганды.

Россейде парламентаризмни тинген тарыхчыла жазгъанларыча, биринчи представительный орган кырауумунда аслам жерни байла-бийле, сатыу-алыу бла кюрешгенле алгандыла. Алай анга шахар интеллигенция, элчиле окыуна киргендиле. Хар сословие да Россейни айнытыуу, жамауат байламлыкъла кыраууга кеслерини кѳз кыраамларын билдиргендиле. Сѳз ючюн, элчиле жамауат самоуправленин тѳрелерин синдирирге кюрешгендиле.

Кырал Думаны депутатларын сайлауу юсюнден биринчи закон а 1905 жылда окыуна чыгарылган эди. Анга кѳре, тѳрт айыруу бѳлюм кыралганды, аланы атларына «курия» дегендиле: жерлени иелери, шахарчыла, элчиле эм ишчиле. Сѳз ючюн, ишчи куриядан кѳл кѳтюрюуге предприятияда 50-ден аслам ишчи бар эсе, алагъа кыатышыргъа эркин этилгендиле. Алай бла кыралда эки миллиондан аслам эр кишини айыруу эркинликлери сыйырылганды.

Законга кѳре, тишируулагъа, 25 жыллары толмагъан жаш адамлагъа, аскерчилеге, аз санлы миллетлени келечилерине кѳл кѳтюрюуге кыатышыргъа эркин этилгендиле. Думаны кырауу тюрлю-тюрлю жыллада 480-525 депутатдан кыралганды.

1906 жылда Николай патчах кыралны Баш законларыны жыйымдыгын тохташдырады. Алай битеу власть да патчахны кѳлуунда болгъаны беги-тиледди, ол санда толтуруучу власть органла да анга бойсунганлары. Ол угъай, патчах эркинлик бермей бир законну да тюрлендирирге жарамганы жазылады. Министрлени кыулукъгъа

да ол кеси салганды, кыралны битеу политикасы да аны кѳлуунда болганды. Жыйымдыкыны 87-чи статьясына кѳре уа, патчах Думагъа аны сессияларыны араларында кесини атындан законла чыгарыргъа эркинлик береди. Алай бла депутатла бюсюремезлик документлени аласыз кыбыл кѳрюрге онг чыгады. Алайды да, ал кезиуде Кырал Дума кесини законла чыгарыуучу борчун толтурмаганды дѳрге да боллукъду.

Думаны биринчи чакырылыуу 1906 жылда апрельден майгъа дери ишлегенди, аны жаланда бир сессиясы болганды. Аны кырауумуна партияланы келечилери киргендиле, ол санда кадетле, октябристле, социал-демократла. Аны спикерине уа Петербургну университетини ректору С.А.Муромцев сайланганды.

Депутатла биринчи жыйылыуларында окыуна патчахны оноуларына тѳзюп турмазлыкларын кѳргюзтедиле. Ол 5 майда этген докладына тынгылап, парламентарийле политика тутмакъланы эркин этиуно, политика эркинликни, тенгликни юслеринден эсгертиулерин чыгарадыла. Думаны биринчи чакырыуу жаланда 72 күн ишлегенди, алай бу кысха заманны ичинде депутатла правительствону законсуз ишлерине кыжауу 391 запрос этгендиле. Аллай тирликке патчах артык ыразы болмагъанын ангыларчады. Алай бла Николай II депутатланы чачыуу юсюнден оноу этеди. Биринчи Дума россейли парламентаризмни тарыхына «Халк кыажалукъну думасы» деген ат бла киргенди. Дума беш жылгъа сайланганды.

Алай бу болжалны саулай да жаланда ючюнчю чакырылыуу депутатлары ишлегендиле -1907-1912 жыллада. Ол 30 комиссиядан кыралганды, кесини да беш сессиясы болганды. Аны кырауумунда партияланы келечилери бла бирге муслийман биригуу да кыралдады, анга уа сегиз депутат киргенди. Парламентарийлени ишлери тынч болмаганды: аскер реформала, кыралда миллет регионланы болумлары, башха вопросла бла байламлы даулашла тохтамай эдиле.

Тѳртюнчю - патчах Россейни тарыхында ахыргы Дума - кыралгъа артыкда кыыйын заманда сайланганды: ол 1912 жылдан 1917 жылны октябрь айына дери ишлегенди. 1914 жылда битеудуния уруш ачылганы, анга кѳз кыраамла башха-башха болгъанлары бла байламлы Думаны бла Правительствону араларында кыажалукъ башланады. Алай бла депутатланы чачып, властьха керек болса уа, жангыдан бир нѳнча кере жыйып тургандыла.

Октябрь революциядан сора уа Со-внарком чыгаргъан биринчи документледен бири Кырал Думаны, аны канцеляриясыны да ишлерин тохтатыуу юсюнден декрет болганды, ол 1917 жылда 18 декабрьде чыгарылган эди.

Кырал Думаны ишин тинтип, экспертле эки оюму айтадыла. Биринчиден, кыралны оноучулары парламентаризмге артык ыразы болмагандыла, анга кыажалукъ структурагъа кырагандыла. Ол а депутатла авторитаризмни, патчах кыралны мурдору, чиновниклеге берилген артык эркинликлени кетерирге сыйгенлери бла байламды.

Экинчиден а, патчах власть бла даулашлада халкыны эркинлигин кѳоруулауу жаны бла уллу сынауу жыйышдырылганды. Думаны артык уллу полномочиялары болмагъан эсе да, бюджетни кыбыл кѳргендиле, алай бла Романовланы юйюрлерини финанс болумларын контрольда тутхандыла. Андан сора да, кырауусузлагъа, кырайсызлагъа

болушууну мадарларын излегендиле. Халкыны окытуугъа, кырангылыкыны жокъ этиуге артыкда уллу магъана бергендиле депутатла. Ала школаны, саулукъ сакълау учрежденияланы, дин мекамланы ишлетиуге ача бѳлюнюрюне кыаты болгандыла, дин келечилеге, миллет-культура автономияланы айнытыууга эс бургандыла.

Совет заманда уа представительный органга кыралны халкыларыны келечилери да сайланып башлайдыла. Сѳз ючюн, СССР-ни Баш Советини биринчи чакырылыуу (1937-1946 жж) депутатларына Бѳппайланы Шарифа, Уяналаны Чомай, Черкесланы Ишу да сайлангандыла. Малкыар халк кѳчгюнчюлукден кыайхан биринчи жыллада уа Баш Советни бешинчи чакырылыууу кырауумуна закий поэтибиз Кыулийланы Кыайсын эмда Мусукаланы Шамса киргендиле.

Артда кыралыбызны законла чыгарыуучу органына депутатха Гелястанланы Махмут, Гуппойланы Маймулат, Атабийланы Азиза, Аттоланы Салих, Рахайланы Адрах, Трамланы Нюра, Холамханланы Елизавета, Кючмезланы Абдул-Керим, Шауаланы Налжан, Жанкыазийланы Солтан, Залийханланы Михаил, Зумакууланы Танзиля, Кыулийланы Солтан, Холамханланы Назифа сайланган эдиле. Бюгюнлюкде Геккиланы Заур Кырал Думаны алтынчы кыраууму делегатыды, ол Федерал кыралыуу эм жер-жерли самоуправление жаны бла комитетни башчысы экинчисиди.

Россейде парламентаризмни жангы тарыхы 1993 жылда кыралны алгыннгы башчысы Борис Ельцин «РФ-де конституциялы реформаланы юслеринден» Указын чыгаргандан сора башланады. Документ, башха политика тюрлениуле бла бирге, Россей Федерацияны Кырал Думасыны депутатларын сайлауу болумун кыбыл этгенди. Алай бла кыралда законла чыгарыуучу органы жангы тарыхы башланады.

ТИКАЛАНЫ Фатима.

ФОРУМ

Жаш тѳлюге ахшы юлгю кѳргюзте

Бу кюнледе Кыабарты-Малкыар кырал университетде «КыМР-де курортла бла туризм» деген ат бла жаш тѳлю форумну ачылыуу болганды. Ол биринчи кере регионла аралы бардырылады. СГИ-ни фойесинде Сервис бла туризм бѳлюмде окыугъан студентле, санаторийледе, курортлада ишлегенле бла байламлы кѳрмючле да кырагъан эдиле.

Эм алгъа тыш кыралладан келип окыугъан студентле назмула да айтып, кеслерини халк тѳпсеулери бла жыйылгъанланы сейирсиндиргендиле. Андан сора КыМР-ни курортла эм туризм министрлинин орунбасары Владимир Афаунов : «Мен сизни бу жыйылыуу ачылыуу бла алгъышлайма. Бизни кыуандыргъан, тарых бла байламлы болгъан, тамаша табийгъат жерлерибиз бардыла. Миллет ашларыбыз да татыулары бла энчи жер аладыла. Ол кыада кыыйматларыбыз бла жаш тѳлюню, республиканы да айныууна уллу себеп эталлыгыбыз баямды», - дегенди.

Форумну мураты бек магъаналыды. Эм алгъа бу факультетде окыугъанланы сагъынылган министрствону иши, бу сферада иги жетишимле болдурганла бла танышдыргандыла. Андан сора КыМКыУ- гъа окыургъа

кирирча, туризм жаны бла усталыкыгъа итинирча жаш тѳлюге ахшы юлгю кѳргюзтгендиле. Аны себепли жыйылыууга Курорт «Нальчик», ОАО-дан «Долина нарзанов» санаторийден, «АЗАУ СТАР» кыонак юйден эмда кѳп башха организацияладан келечиле келгендиле.

Жыйылыуу юч бѳлюмге юлешингенди. Биринчисинде студентле республиканы ариу табийгъаты бла байламлы кѳрмючле, проектле хазырлагъандыла. Аланы араларында «Экстрим», «Гастрономия», «Этнография», «Экскурсия - шагъырейлениу», «Тыш кыраллада билим бериу жаны бла стажировкала бла практика» темалагъа жораланганла бар эдиле. Аны бла чекленип кыалмай, кеслерини умутларын, тутхан ишлери не бла хайыр келтирлигин ачыклагандыла. Бирбирле уа дагыда аш - суу хазырлап, келген кыонакъланы сыйлагандыла. «Тыш кыраллада туризм» деген презентацияны кѳргюзтген студентле университетни хайыры бла Дубайгъа баргъанларын айтхандыла. Анда эм ариу кыонак юйледе турургъа, кыалай ишлегенлерин кѳрюрге онг бергенлерине бек кыуанганларын билдиргендиле.

Экинчи бѳлюмде уа, туризмни сфе-



расында урунганла бла «Выпускник глазами работодателя» деген ат бла «тѳгерек стол» кырап, жаш тѳлюге кеслерини оюмларын, сынауларын айтхандыла. Ахырында магистрле бла университетни бошагъанла школланы окыуучуларына бла студентлеге тренинге бла мастер - классла бардыргандыла. Аны бла чекленмей, окыуучулагъа вузну ичинде экскурсия

кырагандыла. Китапханаланы, лабораторияланы, эсгертемелени кѳргюзтгендиле. Кыаллай факультетлери, колледжлери болгъанларын айтхандыла эмда ары окыургъа кѳрселе, бек ыразы болуп, не жаны бла да себеплик этериклерин билдиргендиле.

ТЕМУККУЛАНЫ Амина.
Сурат авторнуду.

ТЁГЕРЕК СТОЛ

Туризм эмда курортла жаны бла да бирге ишлерге уллу онгла бардыла

Билдиргенибизча, республикага Австриядан делегация келип, мында экономиканы онглары бла шагъырейленгендиле, тюрлю-тюрлю жыйылуулага къатышхандыла. Аладан биринде - саулукъ сакълауну эмда курорт-

чы **Зурият Бгажнокова** ушакъ этгендиле. Айзольд Йорт компаниясыны юсюнден айта, ол 1982 жылда къуралгъанын, кеси да саулукъ сакълауда эмда туризм жаны бла дуняда бек биринчилени санында болгъанын бил-

рагъанды, атасы да аны ишин андан ары бардыргъанды. «Энди ол мени къолумдады. Ишибиз жетишимли барады. Россейли рынок бла байламлыкъ жюрютгенли да жыйырма бла эки жыл болады. Биз мында салгъан оборудование

сича тамамлар ючюн, багъыуда, диагностика этиуде да шендююлюю оборудованиага кечюуну мадарлары этилгенлерин чертгенди.

Владимир Афаунов а австриячылагъа республиканы туризм эмда саулукъну кючлеу жаны бла онгларыны юслеринден тынгылы хапар айтханды эмда быллай шартла келтиргенди: Къабарты-Малкъарда туризм эмда рекреация жаны бла ишлеген 211 предприятие, ол санда 22 санаторий бла солуу учреждение, 19 саулукъ сакълау лагерь, альпинизм жаны бла 22 лагерь эмда спорт база, Элбрусну этеклеринде туристлени бла солугъанланы жумушларын тамамлагъан 69 предприятие, 32 къонакъ юй, 47 турфирма бардыла. Былтыр республикага солургъа 300 минг адам келгенди, аладан 15-сиге тыш къыраладан. Ол а 2014 жылдан эсе 15 процентге асламды.

Къонакъла, къонакъбайла да сынауларыны юсю бла бир бирлерине соруула да бергендиле. Ахырында уа Хазиз Бекалдиев предприниматель иш бизде къалай къуралгъанын айтханды, австриялы инвесторла бла бирге ишлерге онгла болгъанларын, проектлени жашауда бардыруу жаны бла да байламлыкъла жаланда хайыр келтирликлерин белгилегенди.

ХОЛАЛАНЫ Марзият. Суратны автор алгъанды.



ланы айнытыуа аталгъан «тёгерек столда» «О.САЛЪМ» австриялы компанияны иеси **Эбнер Вернер**, «ФАМЕД Инжиниринг командит товариществу региону мэнеджер **Айзольд Йорт** бла КъМР-ни курортла эм туризм министрине орунбасары **Владимир Афаунов**, КъМР-ни саулукъ сакълау министрине орунбасары **Светлана Расторгуева**, Республикалы кардиология араны баш врачы **Нодар Шорданов**, КъМР-де Инвестицияла агентствону таматасы **Хазиз Бекалдиев**, «Нальчик» курортну баш директору **Арсен Шумахов**, Республикалы клиника больницаны баш вра-

диргенди. Ол бир жолгъа бир ненча жумушну тамамлайды: проектни жарашдырудан башлап больницаланы бла реабилитация араланы хайырлануугъа дери да. Аны алтмыш бийик хайырлы представительствосу барды, россейли рынокга уа ол жыйырма жыл мындан алгъа чыкъгъанды. Краснодар крайда жетмиш беш минг квадрат метр жерде больницала, реанимация арала ишлегенди.

Европада бек эртте къуралгъан «О.САЛЪМ» компания уа сыра жарашдыруучу оборудование чыгъаруу бла белгиледи. Аны Эбнер Вернерни аппасы къу-

бир тюрлю чырмаусуз ишлейди. Бизни оборудование бла этилген сырага дуняны башында жетген жокъду», - деп, ол Россейде ара ашазыкыны предпринимателери, къонакъ юйле, сатыу-алыу комплексле бла байламлыкъ жюрютурге эмда сыра, оборудование жибергенден сора да, специалистлени да юйретирге хазыр болгъанларын билдиргенди.

Арсен Шумахов а австриячылагъа курортну юсюнден билдириу этгенди, тюрсюню суратлары бла буклетле да бергенди. Солургъа, саулукъларын кючлендирге келгенлени саны ёсгенин айтып, аланы жумушларын тийишли-

Юйретю

Саулукъ сакълауну юсюнден лекцияла, ушакъла

Алгъаракъда Саулукъну битеудуния кюнюнде Нальчикде Консультатив-диагностика араны специалистлери «Прохожему о здравье» деген акцияны бардыргъандыла, деп билдиргендиле КъМР-ни Саулукъ сакълау министрствосуну пресс-службасындан.

Саулукъну кюню бу жол диабетге жораланган эди. Акция кеси да «Осал къылыкъла эм сахар диабет» деген лекциядан башланганды. Аны психиатр-нарколог Артур Пачев окъугъанды. Бу ишге къатышханла къанларында глюкозаны бла холестеринни тергерге

боллукъ эдиле. Дагыда къан басымны ёнчелерге эмда Арада комплекс тинтиуну ётюп, специалистледен тийишли рекомендацияла алыргъа амал да болгъанды.

КъМКЪУ-ну Медицина факультетини студентлери уа саулукълу жашауну юсюнден социология тинтиуле бардыргъандыла эмда диабетни бла жүрек-къан тамыр ауруулары профилактикасыны юсюнден басма материалла юлешгендиле. Саулай да бу акцияга 80-ден артыкъ адам къатышханды.

Бизни корр.



Документле

Къабарты-Малкъар Республиканы Парламентини комитетлерини къауумларына тюрлениуле кийириуну юсюнден Къабарты-Малкъар Республиканы Парламентини **БЕГИМИ**

Къабарты-Малкъар Республиканы Парламентини Регламентини 17-чи эмда 22-чи статьяларына тийишлиликде Къабарты-Малкъар Республиканы Парламенти **бегим этеди:**

1. Къабарты-Малкъар Республиканы Парламентини депутаты **Войтов Алексей Ивановични** Къабарты-Малкъар Республиканы Парламентини Спорт эмда туризм жаны бла комитетини къауумундан чыгъарып, Къабарты-Малкъар Республиканы Парламентини Миллетле аралы халла жаны бла комитетини къауумуна къошаргъа.

2. Къабарты-Малкъар Республиканы Парламентини депутаты **Калмыков Марат Альфредовични** Къабарты-Малкъар Республиканы Парламентини Промышленность, транспорт, связь эмда жол мюлк жаны бла комитетини, Къабарты-Малкъар Республиканы Парламентини Экономика, инвестицияла эмда предпринимательство жаны бла комитетини къауумларына къошаргъа.

3. Къабарты-Малкъар Республиканы Парламентини депутаты **Савченко Наталья Вячеславовна** Къабарты-Малкъар Республиканы Парламентини Социальный политика, урунуу эмда саулукъ сакълау жаны бла комитетини, Къабарты-Малкъар Республиканы Парламентини Спорт эмда туризм жаны бла комитетини къауумларына къошаргъа.

Къабарты-Малкъар Республиканы Парламентини Председатели Т. ЕГОРОВА
Нальчик шахар, 2016 жыл 31 март, №441-П-П

«Жер-жерли самоуправленианы представительный органларына депутатла айырыуну юсюнден» Къабарты-Малкъар Республиканы Законна тюзетиуле кийириуну юсюнден» Къабарты-Малкъар Республиканы законуну проектини юсюнден Къабарты-Малкъар Республиканы Парламентини **БЕГИМИ**

Къабарты-Малкъар Республиканы Парламенти **бегим этеди:**

1. «Жер-жерли самоуправленианы представительный органларына депутатла айырыуну юсюнден» Къабарты-Малкъар Республиканы Законна тюзетиуле кийириуну юсюнден» сюзюуге Къабарты-Малкъар Республиканы Айырыу комиссиясы берген законопроектни «Жер-жерли самоуправленианы представительный органларына депутатла айырыуну юсюнден» Къабарты-Малкъар Республиканы Законна эмда «Къабарты-Малкъар Республиканы Парламентине депутатла айырыуну юсюнден» Къабарты-Малкъар Республиканы Законна тюзетиуле кийириуну юсюнден» Къабарты-Малкъар Республиканы законуну проекти деген жангы ат бла биринчи окъулуунда къабыл кёрюрге.

2. Къабарты-Малкъар Республиканы Парламентини Законла чыгъаруу, къырал къурулуш эмда жер-жерли самоуправление жаны бла комитетини ол законопроектни анга этилген оюмланы, эсгертиулени, тюзетиулени да эсге алыу бла жангыдан жарашдырыргъа эмда экинчи окъулуунда Къабарты-Малкъар Республиканы Парламентини къарауна берирге керекди.

Къабарты-Малкъар Республиканы Парламентини Председатели Т. ЕГОРОВА
Нальчик шахар, 2016 жыл 31 март, №454-П-П

Къабарты-Малкъар Республиканы Контроль-эсеплеучю палатасыны 2015 жылда ишинден отчётуна юсюнден Къабарты-Малкъар Республиканы Парламентини **БЕГИМИ**

Къабарты-Малкъар Республиканы Контроль-эсеплеучю палатасыны 2015 жылда ишини юсюнден отчётуна тынгылап, Къабарты-Малкъар Республиканы Парламенти **бегим этеди:**

Къабарты-Малкъар Республиканы Контроль-эсеплеучю палатасыны 2015 жылда ишини юсюнден отчётуна эсге алыргъа.

Къабарты-Малкъар Республиканы Парламентини Председатели Т. ЕГОРОВА
Нальчик шахар, 2016 жыл 31 март, №461-П-П

Байламлыкыла

Къонакъ алыу байрамгъа айланнганды

Биз Быллымны бла Прохладный шахарны школчулары араларында жаратылган шуёхлукъну юсюнден эндиге дери да билдире тургъанбыз. Эсигизге салайыкъ, озгъан жылны ахырында Ахматланы Ахматны атын жюрютген мектепге прохладначыла къонакъгъа келген эдиле. Артда уа ала кеслери къонакъбайла болгъандыла.

Бу кюнледе да Быллымны школуну коллективи, окъучулары, элни администрациясыны келечилери къонакълагъа къууанч халда тюбегендиле эм сыйлагъан-

дыла. Алагъа ыразылыгъын Старейшиналаны советини председатели Ахматланы Хамзат билдиргенди эм ахшылыкъ, насып, монглукъ тежегенди.

Школда бу жол фестиваль «Шуёхлукъ байламлыкыла» деген ат бла бардырылгъанды. Ары Элбрус районну администрациясыны башчысы Атакуланы Руслан, эл администрацияны таматасы Тебердиланы Магомет, Прохладный шахарны маданият эм билим бериу учрежденияларыны келечилери, башхала да келгендиле. Аны кезиунде быллымчыла адабият-музыка композиция



кёрюзтгендиле. Устазланы къаууму, эгечле Мырзаланы Залина бла Зухура, Ахматланы Лейла бла Лариса, бешик жыр айханланы арасында бардырылган республикалы конкурсну лауреаты Шауаланы Алим фахмуларын ачыкълагъандыла. Бютюнда Быллымны школун бошагъан, КъМР-ни культурасыны сыйлы къуллукъчусу, аслам вокал конкурсну лауреаты Джаппуланы Ахмат къууандыргъанды. Айхай да, миллет тепсеуле тюбешиуню къыздыргъандыла, анга къууат бергендиле.

Школну директору Атакуланы Нуржан къонакълагъа къолдан уста къызчыкъла устазлары Алийланы Розаны болушлугъу бла этген куююнню саугъалагъанды. Ала анга Прохладныйни Искусстволу сабий школуну энин салгъанлары уа бютюн хычыуун кёрюннгенди.

Шуёхлукъну ингириде байламлыкъланы андан ары бардыруну юсю бла билим бериу эм маданият учрежденияла келишимге къол салгъандыла. Ала быллай тюбешиуле жаш тёлнюю ариу

къылыкъда, ахшы ниетде, бир бирге тэзюмлююкде ёсерлерин, юренирлерин чертгендиле.

Къонакъла да кеслери хазырлагъан концерт программа бла къууандыргъандыла. Жаш артистлени, музыка номерлерине залгъа жыйылгъанла ыразы болгъандыла. Ала барысы да бирге «Мингитау» деген жырны малкъар тилде жырлап, къууанч программаларын той бла бошагъандыла.

ТЕМИРЛАНЫ Анатолий.

БИЛДИРИУ

Фашист концлагерьледен азатланнганланы халкъла аралы кюннюне атап

КъМР-ни Жамауат палатасы Фашист концлагерьледен азатланнганланы халкъла аралы кюннюне аталган жыйылыуа къатышырга чакъырады. Ол **11 апрельде** палатаны мекамьнда бардырыллыкъды. Кеси да **11.00 сагъатда** башланырыкъды.

Анга Россей Федерацияны Жамауат палатасына кирген **Заурби Нахушев**, КъМР-ни Жамауат палатасыны председатели **Хазратали Бердов**, палатаны социальный политика эмда саулу къакълау жаны бла комиссиясыны

таматасы **Мухамед Шихабахов**, Жаш тёлю политика, спорт эмда патриот ниетде юретиу жаны бла комиссияны таматасы **Гуппойланы Тимур**, палатаны башха членлери, аны Жаш тёлю советине киргенле, Нальчик шахарны 9-чу номерли орта школуну окъучулары, жамауат организацияланы келечилери да къатышырыкъдыла.

Жыйылыуа концлагерьлени азаплыкъларын чекгенле да чакъырылгъандыла, алагъа аш-азыкъ хуржунла юлешиниркидиле, музыка-назму композиция кёрюзтюллюкдю.

Театр

Сахнада - «Къара жин»

Къулийланы Къайсын атлы Малкъар къырал драма театр А. Айларовну пьесасына кёре салынган **«Къара жин»** деген спектакльге чакъырады. Комедия **11 апрельде** Къырал концерт залда кёрюзтюллюкдю. **18.30 сагъатда** башланырыкъды. Текст орус тилге да кёчюрюледиле.

Соруулары болгъанла бу телефон номерлеге сёлешсинле: **44-22-10, 77-34-85, 8-938-691-25-39.**

Учредительле: Къабарты-Малкъар Республиканы Парламенти бла Правительствосу

Баш редактор
АТТАЛАНЫ Жамал

РЕДКОЛЛЕГИЯ:

ЖАНГОРАЗЛАНЫ Нажабат
(баш редакторну орунбасары)
ТЕКУЛАНЫ Хауа
(баш редакторну орунбасары)
ТОКЪЛУЛАНЫ Борис (жууаплы секретарь)
МОКЪАЛАНЫ Зухура (культура бёлюмню таматасы)
ТИКАЛАНЫ Фатима (жамауат-политика бёлюмню таматасы)

ТЕЛЕФОНЛА:

Редакторну приёмный - **42-63-01**. Баш редакторну орунбасарлары - **42-38-21, 40-04-82**. Жууаплы секретарь - **42-66-85**. Секретариат - **40-93-62**. Корректорла - **42-63-52**.

Газет Басманы эм асламлы информацияны эркиндиклерин къоруулау жаны бла Къабарты-Малкъар регион инспекцияда **1994** жылда **14-чю** июнда регистрация этилгенди.

Регистрация номер —**Н—0066**. Индекс - **51532**

Газетни басмагъа КъМР-ни Басма эмда асламлы коммуникацияла жаны бла къырал комитетини компьютер службасы хазыр этгенди.


Газет «Тетраграф» ООО-ну типографиясында басмаланганды. Нальчик шахар, Ленин атлы проспект, **33**

Номерге графикге кёре **19.00** сагъатда къол салынады. **20.00** сагъатда къол салыннганды.

ГАЗЕТНИ НОМЕРИН
ЧЫГЪАРГЪАНЛА:

Улбашланы Мурат - дежурный редактор;
Кетенчиланы Зульфия - жууаплы секретарьны орунбасары; Зезаланы Лида - **(1, 2, 3-чю бетле)**, Бийчеккуланы Жаннета - **(4, 5, 6, 7, 8-чи бетле)** - корректорла.

Тиражы **2050** экз. Заказ №**476**
Багъасы **10** сомду

РЕДАКЦИЯНЫ ЭМ
ИЗДАТЕЛЬНИ АДРЕСИ:

360000, Нальчик шахар,
Ленин атлы проспект, **5**
электронный почтасы:
elbor_50@mail.ru